

12822

1872

ՆՈՐ-ՋՈՒՂԱՅԻ ԱԶԳԱՅԻՆ ԵՐԿՍԵՌ ԴՊՐՈՅԱՑ  
ՀՈԳԱԲԱՐՁՈՒԹԵԱՆ ԿՈՂՄԻՑ.

1872

Նոր-Ջուղայի Ազգային Երկսեռ Գարոցաց Հոգաբարձութիւնը, ի նկատի ունենալով որ Խորէն վարդապետ Տէր Վարդանէանը այլ և այլ անհիմն ու զրպարտիչ կոչեր և լուրեր է տարածում իր վրէժխնդրական կրքերին բաւականութիւն տալու և միամիտներին ու անձանօթներին մոլորեցնելու համար, անհրաժեշտ է համարում համառօտ կերպով ներկայացնել ժողովրդին այն ցաւալի և անպատուաբեր դէպքը, որ պատահեց Ջուղայում շնորհիւ Խորէն վարդապետի վրէժառու և խռովայն ընաւորութեան:

Յուլիս ամսի սկզբներին Խորէն վարդապետն առանց Հոգևոր իշխանութեանը յայտնելու, ինքնազուխ եկաւ Համադանից: Գալու օրից սկսեց խանգարել Ջուղայի խաղաղ ու կանոնաւոր կեանքը իր վարձունքով մի այնպիսի անպատուաբեր դիրք բռնեց, որ նրա փոխարէն ուրիշներն էին ամաչում:

Պահանջում էր, որ Ջուղայի ուսուցիչներից մէկի (Ս. Սթայեանի) դէմ ունեցած իր բողոքը քննուէր, որ «Մշակ» լրագրի № 40-ում յօդուած էր տպել Խորէն վարդապետի դէմ: Փոխանակ այդ յօդուածին Համադանի ժողովրդի և Կրթասիրաց Անկերութեան վկայութեամբ մի պատշաճաւոր պատասխան տալու, հոգևորականին անվայելու անսահման վրէժխնդրութեամբ լցուած եկել էր Ջուղա ուղղակի կռուելու համար: Որչափ աշխատում էինք մեղմացնել, յորդորում էինք հանգիստ մնալ, նա կրկին իր սպառնալից անտեղի խօսակցութիւնը շարունակում էր: Երևում էր, որ յօդուածը մի առիթ էր, իսկ նպատակը բոլորովին ուրիշ:

Տեսնելով, որ Խորէն վարդապետը շարունակ սպառնալիքներով էր խօսում ուսուցչի հասցէին և ենթադրելով, որ նրա և ուսուցչի գործը քննելով հնարաւոր կլինի վէճին խաղաղ վախճան տալ, Հոգաբարձութիւնը Խորէն վարդապետի ցանկութեամբ համաձայնեց միջամտել այդ խնդրում:

Հոգաբարձական ժողովներում ծանօթացանք գործի հետ, հարցուփորձի ենթարկեցինք Խորէն վարդապետին և Որ... թէ միասին՝ Հոգաբարձական ժողովներում: Կազմուեց անկողմնապահ արձանագրութիւն և վաւերացուեց նախագահ Գեր. Բագրատ Վարդապետի և բոլոր ութը Հոգաբարձուների ստորագրութեամբ, պատճէնը յանձնուեց Խորէն վարդապետին: Շատերս համոզուած էինք, որ Ջուղայում քննութիւնը գորանով կ'վերջանայ և Խորէն վարդապետը կհեռանայ Համադան, քանի որ բազմիցս նա խօստացել էր մեզ ու իր «ազնիւ խօսքով» և «ամենամեծ երգումով» շարունակ հաւաստիացնում էր թէ՛ կհեռանայ արձանագրութիւնը ստանալուց անմիջապէս լեռոյ տաւանց Ջուղայի խաղաղութիւնը վրդովելու: Երբ կասկած էինք յայտնում իր վարձունքը տեսնելով, մինչ իսկ իրեն յուզուած էր ձեռացնում, որ իր «ազնիւ խօսքին» անպայման հաւատ չենք ընծայում: Բայց զժբախտաբար պիտի տեսնք, որ մեր կասկածը ճշմարտութեան փոխեց Խորէն վարդապետը և մեզ ուղղակի խաբեց:

Թէև քննութեան ընթացքում անհանգիստ էր, կրքով ու քինախնդրութեամբ էր լցուած և մենք միշտ աշխատում էինք բարեկամական խորհուրդներով մեղմացնել, հանգստացնել և ինքն էլ այնպէս էր ցոյց տալիս թէ՛ մեր աշխատանքը նշանակութիւն է ունենում, սակայն ինչ որ տեսանք հոգաբարձական արձանագրութիւնը ստանալուց լեռոյ, այդ արդէն աներևակալի խայտառակութիւն էր և անպատուաբեր վարձունք նրա կողմից: Յաւում ենք ասելն, որ կարծէք ինքը ոչինչ չէր զգում: Ամեն ինչ ցանկանում էր «տակնուվրայ» անել, որպէս ինքն էր սիրում կրկնել՝ իբրև մեծ քաջագործութիւն, չմտածելով, որ անպատիւ գործեր ու չարութիւն անելը հեշտ է (որն այս դէպքում իր նպատակն էր զարձրել): Քանիթ բարութիւն և հոգևորականի պատուին համապատասխանող գործ:

Սկսեց անհիմն խօսքեր ուղղել Հոգաբարձութեանս, սուտ ու զրպարտիչ նամակներով ի զուր վըշտացնել Ա. Փոխանորդին. թէ Հոգաբարձութիւնը ամբողջապէս չի քննել իր դատը Սթայեան ուսուցչի դէմ և որպէս թէ «արդարութիւնը» ոտնատակ է եղել և այլն: Այն, ոտնատակ եղաւ թէ արգարամութիւնը և թէ ազնուութիւնը Խորէն վարդապետի անպատուաբեր վարձունքով ու գործերով և իր անորակի վրէժխնդրական ոգով: Այն, բազմակողմանի չարագեցիւք իր գոյնն ու ընաւորութիւնը,

1882

12822

քանի որ իր հետ շատ մեղմ ու քաղաքավարի ենք վարուել հէնց սկզբից. մեղմաբար ենք նկատողութիւններ արել և որոշ չափով ձեռնադրած ենք մնացել յօգուածի մի քանի կէտերում ևս, սակայն թէ հոգևորական է, վարդապետ է, որի մասին գծաթատաբար ինքն ամենևին չէր մտածում:

Երևի հէնց մեր այս քաղաքավարի վարմունքի պատճառովն էր, որ Խորէն վարդապետը քաջութիւն է համարում խայտառակ ձևով խօսել և գրգռել միամիտներին ու գործի հետ անձանօթներին, մոռանալով խստաբար իր կոչումը: Անկեղծութեան ու պարզութեան դիմակի տակ դիմում է ամեն տեսակ դատապարտելի միջոցներին՝ իր վրէժխնդրութեանը և փառամոլութեանը բաւականութիւն տալու համար:

Առաջնորդական Փոխանորդ Տ. Բագրատ վարդապետն էլ տեսնելով, որ Խորէն վարդապետը սկսել է խայտառակութիւններ անել և ոչ մի բան չի ազդում նրա վրայ, հեռագրել էր Ազգիս Ահհափառ Կաթողիկոսին և Սրբազան Առաջնորդին իր հրատարականը «Խորէն վարդապետի անկարգութեան պատճառով»: Նոր-Ջուղայի Ազգային Հաստատութեանց Վարչութիւնները (30 անդամներ) հեռագրեցին Ահհափառ Կաթողիկոսին և Սրբազան Առաջնորդին, որ Ա. Փոխանորդի հրատարականը չընդունուի և Խորէն վարդապետին հրամայուի գնալ Համադան: Տիտեր ենք յայտնել, որ Սրբազան Առաջնորդի հեռագրական հրամանով չգնաց և շարունակեց իր գատապարտելի քայլերը. գրգռում էր մարդոց, զրպարտութիւններ անելով, մոլորեցնում էր միամիտներին և համախմբում մի քանի չարամիտներին, իրեն էլ երբեմն ձևացնելով իրաւունք ու արգարութիւն պաշտպանող: Ետևանակ ման էր գալիս այնպիսիների տները, որոնք մի որևէ բանով երբևիցէ վշտացել էին Առաջնորդարանից կամ Ա. Փոխանորդից, Հոգաբարձուներից կամ Ազգային Դպրոցներից: Մի խօսքով միջոցների մէջ ոչ մի խտրութիւն չէր դնում իր վրէժխնդրութեան կրքերին յազուրդ տալու և Ջուղայում մի մեծ խռովութիւն յառաջ բերելու համար: Կեղծ կերպով հայածուած ձևանալն էլ իր համար մի լաւ միջոց էր ընտրել մարդկանց մոլորեցնելու և գրգռելու համար: Առանց Հոգաբարձութեանը մինչ իսկ յայտնելու, Կենդրոնական Դպրոցում Խորէն վարդապետը ինքնազուլիս ժողով է հրաւիրում նախապէս ստուգեամբ լի կոչ հրատարակելով մարդոց զրգռելու համար: Ետ քչերն են գնում. ներկայ է լինում Թագէտ Տէր Դիոնէսիոսի նման մի խառնակից և մեր Հաստատութեանց համար վնասակար մարդն ևս, որին չափազանց սուրբացրել էր...

Ցաւելով պիտի ասենք, որ ամօթն ու պատկառանքը և իր կոչման նշանակութեան ըմբռնողութիւնը բոլորովին կորցրել էր Խորէն վարդապետը:

Նորին Ահհափառութիւն Սրբազանագոյն Կաթողիկոսը հեռագրով խիստ հրամայել էր (սեպտեմբերի 1/14-ին) Խորէն վարդապետին՝ անմիջապէս հեռանալ Համադան: Խորէն վարդապետը փոխանակ հրամանը կատարելու, մի զրպարտիչ կոչ է հրատարակում (բաղմաթիւ օրինակներով), որով միանգամայն անհիմն կերպով յարձակում է մեզ, Ա. Փոխանորդի և Խորհրդարանի վրայ, որպէս թէ մենք մոլորեցրել ենք Ահհափառ Կաթողիկոսին, Գերապատիւ Առաջնորդին, և աւելացնում է որպէս թէ ինքը յարգում է «Հայոց Հայրիկի հրամանը». այս կէտն ևս լիջում է հեռաւորներին խաբելու համար: Մեղադրում է ուրիշներին մոլորեցնելու մէջ, որի տգեղ ու ցաւալի օրինակները հէնց ինքը տուեց Ջուղայում՝ իր երկու երեք կրթոտ համախոհներով, որոնք նոյնպէս լաւ միջոց էին գտել Խորէն վարդապետի միջոցով իրենց անձնական «վրէժը» լուծելու:

Եւ վրէժն աւելի խիստ ու հեղինակաւոր ձևով լուծելու համար չքաջուեցին իրենց անձնական կրքերին կուսակցական գոյն տալ ու այլ քաղաքներում ևս անտեղի շփոթութիւններ յառաջ բերել հեռազերներով. բայց այդ կեղծիքն ևս կբացուի և կ'գատապարտեն հէնց իրենց:

Գերապ. Առաջնորդական Փոխանորդի հրաւիրմամբ կայացաւ ընդհանուր ժողով (սեպտ. 2/15-ի երեկոյեան). ներկայ էին աւելի քան 300 հոգի. չնայելով Խորէն վարդապետի բարձրաձայն գոչումներին ու պահանջներին նոր քննութիւն կատարելն միանգամայն աւելորդ համարուեց. կրկին յայտնուեց Ազգիս Ահհափառ Կաթողիկոսի բարձր հրամանը Խորէն վարդապետի հեռանալու համար: Ջուղայի գէպքի մասին որոշում եղաւ:

Սակայն Ահհափառ Կաթողիկոսի խիստ հրամանին հնազանդուող Խորէն վարդապետը ամեն տեսակ անտեղի ազմուկներ և անպատուաբեր քայլեր անելուց յետոյ, չ'ցանկանալով ընդհանուր ժողովի որոշման կատարուելն ևս, և գծող՝ լինելով, հեռուեալ օրն առաւօտեան (սեպտեմբերի 3/16-ին) գնաց Սպա-

հան և գանգատուեց Ռուսաց Կոնսուլատին (իր կարծիքով ցաւեցնելու համար Առաջնորդական Փոխանորդին, Հոգաբարձուներին, այլ ազգային Վարչութեանց անդամներին և ժողովրդից շատերին): Տարան Կոնսուլատ ուսուցչին ևս: Ուսուցչիչը պարզ լետ է վերցնում իր յօդուածը (առանց ներողութիւն խնդրելու), իսկ Խորէն վարդապետն էլ Փոխ-Կոնսուլի միջոցով ստորագրութիւն է տալիս, որ այլևս յօդուածագիր Աթապեանի դէմ ոչ մի պահանջ չունի և հարցը վերջացրած է համարում:

Քանի որ ի վերջոյ այդ «խաղաղ» միջոցին պիտի դիմէր Խորէն վարդապետը իր երկու համախոհներով, աւելի լաւ չէր անի՝ առանց ցաւալի ազմուկներ ու առանց ահազին խռովութիւն բարձրացնելու, հէնց սկզբից դիմէր Սպահան Ռուսաց Կոնսուլատին, մանաւանդ որ իր առաջին պաշտօնական գրութեամբ Համադանից յայտնել էր Առաջնորդական Փոխանորդ Տ. Բագրատ վարդապետին, որ ինքն արդէն դիմել է «Ռուսաստան մարմնաւոր իշխանութեան՝ դատի ենթարկելու յօդուածագիր երկու պարոններին՝ Աթապեանին և Տէր Ներսիսեանին»:

Սկզբից ևեթ առաջարկում էինք Խորէն վարդապետին խաղաղ միջոցներ, յորդորում էինք առանց ազմուկների ու խռովութեանց գործը վերջացնել իր համար պատուաբեր կերպով, սակայն ինքը բաց է բաց մերժում էր. վրէժխնդրութեան ու փառամոլական զօրեղ կերքն այլ բան էր թելադրում, որով ամենից շատ իրեն անպատուեց ու խայտառակեց հէնց իր ծանօթների մօտ:

Խորէն վարդապետը Ջուղայից հեռանալու ժամին (սեպտեմբերի 7-ին), իր ստորագրութեամբ իբրև մնաք բարով ցրուեց մի գրութիւն գլխաւորաբար սղղած Կերապ. Առաջն. Փոխանորդի, Խորհրդարանի և Հոգաբարձութեանս դէմ. տիտեր ենք ասելը, որ դա ուղղակի հայհոյակից, զրպարտութեամբ ու կեղծութեամբ լի մի գրութիւն է Խորէն վարդապետի գրչի տակից ելած: Գորանով ամենի մօտ իր իսկական նախանձոտ գոյնն ու փառամոլ ձգտումները պարզեց: Աշխատում է իր անձնական կրքերը ծածկել ժողովրդին ուղղած կեղծ խօսքերով, որպէս թէ իրաւունքներ է պաշտպանում: Լաւ կլինի Խորէն վարդապետը ժողովրդին չճաղրի, հանգիստ թողնի և նախ ինքը սովորի ժողովրդի իրաւունքներ յարգելն ու ճանաչելը: Իր բողոքը Խորհրդարանում չքննուեց, այլ իր իսկ ցանկութեամբ Հոգաբարձութեանս բոլոր ութը անդամները քննեցին, որոնք ընտրուած են կանոնաւոր կերպով Ջուղայի ամբողջ հասարակութեան ծխակոն ժողովներում:


Պետք է հասկանալ Խորէն վարդապետը, որ իր սպառնալից երբէք չի կարող վերականգնել անտեղի մեծ ազմուկ բարձրացնելով, ուրիշներին զրպարտելով ու անիրաւացի վարկաբեկ անելով:

Այսպիսի գատապարտելի ընթացք ունեցողից դեռ շատ բաներ կարելի է սպասել, մանաւանդ որ արդէն որոշ սպառնալիքներ արել է իր բռնելիք ապագայ ընթացքի վերաբերմամբ...

Ն.-Ջուղայի Ազգ. Երկսեռ Դպրոցաց Հոգաբարձութիւնը ցաւում է, որ Խորէն վարդապետը գործը այստեղ հասցրեց և ստիպեց այս ճշմարտութիւնները հրատարակաւ յայտնել:

Հոգաբարձութիւն  
Նոր-Ջուղայի  
Ազգային Երկսեռ Դպրոցաց

1907 թ. Սեպտեմբերի 9-ին  
Ն.-Ջուղա—Սպահան



ՄՄ Հայագիտական գրադարան



MAL011329

